

Diosman Riq Ñan



© 2012, World Missionary Press, Inc. Cover art, Edwin B. Wallace. Meryl Esenwein art above and on pages 10, 12, 14, 16, 27, 29, 39, 41, 42, 44, 46, 47, en 48. El texto bíblico utilizado es de la Biblia en Quechua Ayacuchano QA052P publicada por la Sociedad Bíblica Peruana, A.C. de Avenida Petit Thouars 991 - Lima 100, Perú.

TAYTA DIOSMI RURARQA KAY PACHATA HINASPA LLIW KAYPI KAWSAQKUNATAPAS 1

“Tukuy imapa qallariyninpi cielokunata hinaspa kay pachata Dios unanchaptinmi. –Genesis 1:1

“Paynintakaman Dios unancharqa cielopi tukuy ima kaqkunatapas, kay pachapi kaqkunatapas.” –Colosenses 1:16a

“Cielokunatapas unancharqa Tayta Diosmi bendecisunkichik. Kay pachatapas unancharqa Tayta Diosmi bendecisunkichik. Tayta Diospam hanaq pachaqa. Kay pachatañataqmi runakunaman qorqa.” –Salmos 115:15, 16

Kay pachata Tayta Dios runakunaman qoptinqa, chuyam karqa. Qawasunya kay librochapi imam pasakusqanmanta.

2 TAYTA DIOSMI UNANCHAWARQANCHIK



“Chaymantam Dios nirqa: –¡ Runata rurasun ñoqanchikman rikchakuqta, ñoqanchik kaqlata chaynapi challwakunapi, alton pawaqkunapi, uywa animalkunapi, purun animalkunapi hinaspa kay pachapi qasqonpa puriq animalkunapi munaychakunanpaq! –nispa.” –Genesis 1:26

RUNAQA RURASQA KARQA KAWSANANPAQMI 3

“Tayta Diosmi runata rurarqa ñutu allpamanta, senqanman kawsachiq samayta pukuykuptinmi *kawsaq runañ karurqa.” –Genesis 2:7

“Chaymantam Tayta Dios nirqa: –Manam allinchi qaripa sapallan kayninca, yanapaqnintayá payman rikchakuqta rurasaq –nispa. Chaymi runaman Tayta Dios qoykurqa sinchi puñuyta. Puñunankamam huknin costillanta horqoruspa aychanta kaqla wichqaykurqa. Tayta Diosmi qaripa costillan horqosqanmanta warmita rurarqa hinaspam qariman pusamurqa.” –Genesis 2:18, 21-22

*Kawsaq almayoq kasqanchikraykum, espiriunchiqa mana harkappas wafunqachu.

4 **ADANWAN EVAQA TAYTA DIOSTAM
MANA KASUKURQAKUCHU**



Supaypa rimasqantaqa amam uyarisunchikchu.

“Tayta Diosmi runata churarqa Eden Huertaman chay- 5 pi llamkananpaq hinaspa waqaychananpaq. Runatam Tayta Dios kamachirqa: Huertapi llapallan sachapa ruruntaqa mikunkim. Allin kaqta hinaspa mana allin kaqta yachanapaq sachapa ruruntam ichaqa ama mikunkichu, chayta mikuruspaykiqa cheqaptapunim wañurun-ki –nispa.”

–Genesis 2:15-17

SUPAYQA LLULLAKUSPANMI RUNAPA SONQONTA ISKAYRAYACHIRQA TAYTA DIOSPA KAMACHIKUSQANMANTA DUDANANPAQ.

“Chaymi warmita culebra –Manapunim wañunkichikchu...–nispa. Chaymi warmi qawarqa mikunapaq allin sachka kasqanta, qawarqataqmi sumaqlaña kasqantapas chaynataq yachay haypanapaq munayllapaqña kasqantapas chaymi rurunta pallaruspa mikururqa. Qosanmanpas qoykuptinmi paypas mikururqa.” –nispa.

–Genesis 3:4, 6

6 **ADANWAN EVAQA MANAÑAM EDEN
HUERTAPIQA QEPAYTA ATIRQAKUÑACHU**



“Chaymi runata Tayta Dios Eden Huertamanta horqomurqa chakrapa llamkananpaq allpamanta rurasqa kasqanrayku... intipa qespimunana lawpim churarqa querubin sutiyoq angelkunata... chaynapi kawsay qokuq sachaman riq ñanta waqaychanankupaq.”

–Genesis 3:23, 24b

**ADANPAWAN EVAPA HUCHALLIKUSQANKU 7
PUNCHAWQA ANCHAPAS LLAKIKUYPAQ
PUNCHAWMI KARQA KAY PACHAPI RUNAKUNAPAQ**



“Huk runallawan kay pachapi huchallikuy qallariruptinmi chayrayku wañuyapas rikurirurqa chaymi lliw runakuna huchallikuspanchik wañunchik.”

–Romanos 5:12

Chaynaqa yuyaymanasunyá:

Kay pachapi runakunaqa lliwmi nacenchik huchayoqlla, chaymi wañunchik, wañuyqa huchapa chanin kasqanrayku. (huktawan qawaykuy Romanos 5:12, nisqanta.)

8 **TAYTA DIOSQA, MUNASQANMAN HINAM
SAPALLAN CHURINTA KACHAMURQA
HUCHAMANTA HORQOWANANCHIKPAQ**



“Qari wawatam wachakunqa, paytam sutichanki Jesuswan, paymi runankunata salvanqa huhankumanta.”

–Mateo 1:21

Diospa Churinga kay pachaman hamunanpaqqa runamanmi tikrakurqa hinaspanmi wawa hina nacerqa.

“Diospi tukuy ima tarikuqmi kachkan runayaruc Cristopi.”

–Colosenses 2:9

**TAYTANCHIK JESUCRISTOQA CHEQAP 9
DIOSMI, RUNA AYRIPIM HAMURQA**

“Tukuy imapa qallariyninpiqa karqañam Simiqa, chay Simiqa karqa Dioswanmi, chay Simiqa Diosmi... Chay Simim runayaruspan yacharqa ñoqanchikwan Diospa cheqap kuyakuyinta qawachiwaspanchik.” –Juan 1:1, 14a

“Tukuy kaykunam pasakurqa Diosmanta willakuqpa kayna nisqan cumplikunanpaq: Doncellam wiksayakuruspan wachakunqa qari wawata. ‘Emanuel’ nispan sutichanqaku chay wawata. Kayqa: ‘Diosmi ñoqanchikwan’ ninanmi.”

–Mateo 1:22, 23

“Wawam nacerapuwanchik. Wawatam Dios qoykuwan- chik. Pay gobiernapinmi sutichanqaku: Admirakuyapaq Kaqwan, Consejakuqwan, Tukuy Kallpayoq Dioswan, Wiña-wiñaypaq Taytawan, hinaspa Hawkayay Qokuq Kamachikuqwan.”

–Isaias 9:6

10 JESUCRISTOM ÑOQANCHIKPA RANTINCHIKPI CHIKPI CHUYA SACRIFICIO KARQA

“Cristoqa manam huchallikurqachu.” –2 Corintios 5:21a



“Payqa manam ima huchatapas ruraraqachu.” –1 Pedro 2:22a

Runapa sacrificio rurasqanqa maynaña sumaq kaspapas manam huchamanta chuyanchayta atinmanchu.

“Torokunapa chaynataq chivatokunapa yawarninqa huchakuna horqoytaqa manam atinmanchu.”

–Hebreos 10:4

“Paymi [Cristom] Diosmanta Hamuq Carneroqa, wañuspanmi runakunapa huchanta pampachanqa.” –Juan 1:29b

JESUCRISTOM QORQA VIDANTA SALVAWANANCHIKPAQ

11

Señorninchik Jesucristom cruzpi chakatasqa karqa, cheqniqnin runakunam chakatachirqa. Ichaqa paypa wañuyninga Dios Taytapa munasqanman hinam karqa, payqa wañurqa ñoqanchikraykum qampas ñoqapas huchanchikmanta pampachasqa kaspas salvo kananchikpaq.

Jesumi niqa: “Manam pipas vidaytaqa qechuwanmanchu, kikiymi qosaq vidaytaqa. Makillaypim kachkan qonaypaqpas chaynataq kawsarimunaypaqpas.”

–Juan 10:18a

JESUCRISTOPA YAWARNINWAN RANTISQAM KANCHIK

“Yachasqaykichikpi hinapas kay salvacionpa preciontaqa manam pipas pagarqa tukuruqla qoriwanchu nitaq qollqewanchu. Chaytaqa Cristom pagarqa precioyoq yawarninwan, paymá mana faltayoq kachkaspanpas wañurqa sano carnero hina.”

–1 Pedro 1:18b, 19

Manam ima sapaq sacrificiopas huchataqa qechunmanchu.

12 “Cristom yawarninta chaqchuspa wañurqa mana huchayoq-paqña Dios chaskiwananchikpaq. Chaymi Cristo salvawasun castigasqa kananchikmanta.”

–Romanos 5:9

“Jesus, munaychakusqaykiman chayamuspaykiqa yuyarillawan-kimá, nispa.”

Lucas 23:42b



Jesupi iñisqan-raykum kay salvaqa, salvasqa kanqa.

“Cheqaptam niki, kunanpunim ñoqawan kanki paraisopi paraisopi.”

–Lucas 23:43b

Kay huknin suwam ichaqa mana salvasqa kanqa Jesupi mana iñisqan rayku.

“Ichaqa Diosmi kuyawasqanchikta qawachiwarqanchik huchasaparaq kachkaptinchikpas Cristo wañupuwawasqanchikwan.”

–Romanos 5:8b

DIOSPA CHURIN JESUCRISTOPI IÑIQKUNAQA WIÑAY KAWSAYNIYOQÑAM KANKU

13

“–Diosqa ancha-anchatam kuyarqa runakunata, chaymi sapallan Churinta qomurqa pipas paypi iñiqqa manaña puchukaspas wiñaypaqña kawsananpaq.”

–Juan 3:16

“Tutayypi kamachikuqta kasuchkaptinchikmi payqa libraykuwarqanchik hinaspan kuyasqan Churinpa munaychakusqanmanña churaykuwanchik. Paypa wañusqallanwanmi libraykuwarqanchik huchanchikkunamanta pampachaykuspa.”

14

¡KAWSARIRAMUNMI!



“Warmikunatam ichaqa chay angel nirqa: –Ama manchakuychikchu. Qamkunaqariki maskachkankichik chakatarusqanku Jesutam. Manam kaypiñachu, payqariki nisqanman hinam kawsarirunña. Qawamuychik churasqanku sitiota”

–nispa. –Mateo 28:5, 6

JESUSMI KAWSARIMURQA WAÑUSQA KASQANMANTA

15

“[Ñogam kani] kawsagpas. Wañusqam karqani, kunanmi ichaqa wiña-wiñaypaq kawsachkani. Kichanapaqpas wichqanapaqpas munaychakunim wañuypi chaynataq wañusqakunapa kasqanpipas.”

–Apocalipsis 1:18b

“Qamkunaqa kawsasqayraykum kawsankichik.” –Juan 14:19b

Chaynaqa wañuytaqa manañam manchakunanchikchu, Taytanchik Jesucristom wañuytaqa venciña wañuyta llavenpas paypa makinpim.

“Manchakuyipi tarikuspayqa qamllapim confiakullaniqa.”


–Salmos 56:3

JESUCRITOLLAM SALVAYTAQA ATISUNKIMAN, PAYQA QAMRAYKUM TAYTANTA MAÑAKUCHKAN

“Jesupa sacerdote kayninmi ichaqa mana cambiakunchu wiñaypaq kawsaq kasqanrayku. Chayraykum paynintakama Diosman asuykuqkunatapas wiñaypaq salvaykunman. Jesuqariki kawsachkan paykunapaq siemprepuni mañakunanaqmi.”

–Hebreos 7:24, 25

16 QAMPAS ÑOQAPAS WIÑAY KAWSAYTAQA HAYPACHWANMI



¿Ima ñannintataq purichkanki wiñay kawsay haypanaykipaq?

Jesucristom Diospa qayllanpi wiñay kawsayman pusakuq ñanqa.

Supaymi ichaqa wiñay wañuyman apakuq ñan.

Kay wawaqa allintam, wiñay kawsayman pusakuq ñanta akllakuchkan.

¿QAMQA MAYQANTATAQ AKLLAKUNKI? 17

“... Kunanpuni akllakuychik pim adoranaykichikta...”
—Josuey 24:15

“Chaynaqa qamkunapas hinaspa miraynikichikkunapas kawsakunaykichikpaqyá akllakuychik.”
—Deuteronomio 30:19b

JESUCRISTOM WIÑAY KAWSAYMAN RIQ ÑAN

“Jesusmanta hukqa manam pipas salvanmanchu, kay pachapiqa manataqmi pipas kanchu runakunata salvaqqa, aswanqa Jesusllam.”
—Hechos 4:12

“Ñoqallam kani Tayta Diosqa. Hukqa manam kanchu salvaq Diosqa.”
—Isaias 43:11

18 MANASQATAQ WIÑAY KAWSAYTA HAYPANA PAQQA JESUCRISTOTA AKLLANANCHIK?

1. Cristom hamurqa chaypaq.

“Ñoqam ichaqa hamurqani kawsanaykichikpaq hinaspa kawsaywan huntasqa kanaykichikpaq.”

—Juan 10:10b



2. Cristom kuyawaspanchik ñoqanchikrayku wañurqa.

“Paymi kuyawaspan ñoqapaq wañupuarqa.”
—Galatas 2:20b

Jesucristoqa runaman tikrakuspanmi ñoqanchik hina aychayoq tulluyoq karqa.

“Jesuspas ñoqanchik hina cuerpoyoqmi karqa, chaynaqa karqa wañuyta reqsis-

pan wañuypi munaychakuq diablota chinkachinan- 19
paqmi. Chayraykum Jesusqa wañuy manchakuq-
kunatapas libran, paykunaqa tukuy tiempom wañuyta
sirvienten hina kawsallarqaku.”
—Hebreos 2:14b, 15


3. Cristopa yawarninmi huchanchikmanta hampikuqqa.

“Chay yawarwan huchaykichikta pampachasqayraykum vidaykichikta librasaq.”
—Levítico 17:11b

“Diospa Churin Jesucristopa yawarninñataqmi llapallan huchanchikmanta mayllawanchik.”
—1 Juan 1:7b

“Paypa wañusqallanwanmi libraykuwarqanchik huchanchikkunamanta pampachaykuspa.”
—Colosenses 1:14

20



4. Cristom wañusqanmanta kawsarimurqa.

“Yachanchikmi kaytapas: Cristo kawsarimuspanqa huktawanqa manañam wañunmanñachu. Manapunim paypiqa wañuyqa munaychakunmanñachu.”
—Romanos 6:9

“Cristoqa wañurqa llapallanchikpaqmi chaynapi kawsaqkunapas manaña kikillanchikpaq kawsaspa Cristo-paqña kawsananchikpaq, payqa wañukuspanmi kawsariramurqa.”
—2 Corintios 5:15

Cristom nin: “—Qamkunaqa kawsasqayraykum kawsan-kichik” —nispam.
—Juan 14:19b

5. Ñoqanchikpas wiñay kawsayman kawsarichisqa 21 kananchikpaqqa Jesucristopa Chuya Espirituntam chaskinanchik.

“Chay pakasqa kaqqa qamkunapi Cristopa kawsaganmi, chayraykum suyachkankichik wiñaypaq kawsakuyta.”
—Colosenses 1:27b

“Diosmi Jesucristota kawsarichimurqa. Paypa Espiritun qamkunapi kawsaptinga wañuq cuerpoykichik-tam Dios kawsarichinqa hina chay Espiritunwan.”
—Romanos 8:11

¿CHEQAPTACHU CHUYA ESPIRITU SONQOYKIPI KAWSAKUCHKAN?

“Cristopa kachamusqan Chuya Espiritu huk runapi mana kaptinqa, payqa manam Cristopachu.”
—Romanos 8:9b

22 JESUSMI KUYAN LLIW WAWAKUNATA

“Kaynata nispanmi Jesus wawakunata marqariykurqa, paykunapa hawanman makinta churaykuspanmi paykunata bende-cirqa.”

—Marcos 10:16



“Cristo kuyawasqantaqa yachanim, Chuya Qellqam chaynata nin.”

“Jesusñataqmi paykunata qayaykuspan nirqa: **23**
—Ama harkaychikchu wawakuna ñoqaman hamunanta. Kay wawakuna hina kaqkunapaqmi Diospa munaychakusqanqa” —nispa.

—Lucas 18:16

“Hanaq pachapi kaq Taytaykichikpas manam munanchu hukllanpas kay uchuychakuna chinkananta.”

—Mateo 18:14

Manam imananchu pim kasqayki nitaq maypim yachasqayki, Jesusqa kuyasuspaykim qamrayku wañurqa. Chay kuyakuynintam qanman reqsichiyta munasunki, qampas kuyakuynikita qawachikuy payta kasokuspayki.

“Kuyawaspaykichikqa kasukuychikya kamachikuniyunakunata.”

—Juan 14:15

“Rurasqankunawanmi mozoqa imaynam kasqanta reqsichikun.”

—Proverbios 20:11a

24 KAYKUNATA RURASPA DIOSMAN ASUYKUYTA

1. *Tayta Diosta mana kasukuspa huchallikusqaykita, reqsikuy .*

“Llapallanchik huchallikuruspan Diospa suma-sumaq qayllanmanta karunchakurunchik.” —Romanos 3:23

2. *Diosman hamuy Jesucristontakama.*

“Hukllam Diosqa, hukllataqmi Diosninchikwan runakunata allinyanachiapas, chay allinyanachiqqa Jesucristom.”

—1 Timoteo 2:5a

“Chayraykum paynintakama Diosman asuykuqkunatapas wiñaypaq salvaykunman.” —Hebreos 7:25a

Jesus nirga: “Ñoqaman hamuqtaqa manam hawamanqa wischusaqchu” —nirga. —Juan 6:37b

3. *Huchaykikunamanta wanakuy.*

(Wanakuyqa, hucha rurasqaykimanta pisakuymi.)


“Chaynaqa huchaykichikmanta wanakuspayá Diosman kutirikuychik.” —Hechos 3:19a

“Señorqa ... pacienciawanmi suya-suchkankichik mayqannikichikpas mana chinkarunaykichikta munaspan ...” —2 Pedro 3:9a

4. *Huchaykikunata willakuy Taytanchik Jesucristoman.*

(Hucha willakuyqa “ari, huchallikunim” niymi.)

25



“Payman huchanchikunata willakuptinchikqa, paymi mana engañakuq hinaspa allin ruraq kasqanrayku pampachawanchik.”

—1 Juan 1:9a


26 Kay qatiqnin rayakunapi qellqay 1 Juan 1:9a textota.

5. *Saqeyña huchaykikunata.*

(qonqayña hucha rurayta.)

“Huchankuna pakaq runaqa manam allinchu kanqa. Huchanta willakuspa wanakuq runam ichaqa Diospa kuyapayasqan kanqa.” —Proverbios 28:13

“Qamyá asurikuy mana allin ruraymanta. Qamyá tukuy tiempo ruray allin kaqkunata.” —Salmos 37:27a



“Favorninraykullam iñiptikichik Diosqa salvaykusurqan-kichik, ... Diospa qosusqay-kichikmi. Manataqmi imapas rurasqaykichikraykuchu chay-napi pipas mana alabakunan-paq.” —Efesios 2:8, 9

6. *Iñiy Jesucristopi.* 27

“Jesusqa Señor kasqanta willakuspaykiqa chaynataq payta Dios kawsarichimusqanta tukuy sonqoykiwan creespaykiqa [iñispaykiqa] salvasqam kanki.” —Romanos 10:9

“—Señor Jesucristoman iñiy chaymi salvasqa kanki wasiki kipi kaqkunapiwan.” —Hechos 16:31b

28 7. Chaskikuy Jesucristota sonqoykipi hinaspa tukuy kawsakuyniki.



Sonqoykipa punkunta kichaykuy, Jesus yaykuykunanpaq, paymi nin: **“Qawarimuway, ñoqaqa pun-kupi sayaspaymi takachkani. Pipas qayakuyniyta uyarispan punkuta kichaykuwaptinqa yay-kuspaymi paywan mikusaq, chaynataqmi paypas ño-qawan mikunqa.”** –Apocalipsis 3:20
“Payta chaskispa iñiqkunanmanmi ichaqa qorqa derechonta Diospa churinña kanankupaq.” –Juan 1:12

KAYNATA ORAKUY

29

Orakuyta mana yachaspaykiqa, qatiqnin oraciontayá qaway yapasunaykipaq:

Kuyakuq Señor Jesucristo:

Anchatam agradecekuyki huchay-kuna pampachawanaykipaq cruzpi wañusqaykimanta. Tukuy mana allin rurasqaykunamantam ñakakuchkani. Mañakullaykim sonqoymanya yaykuykuy hinaspaykiya kawsakuy wiña wiñaypaq. Tukuy sonqoywanmi iñini qamqa sonqoytaqa limpiaykunkim, chaymi chaskikuyki salvakuqniyta hina.

Ancha sumaq sutiki. Amen.



30 JESUCRISTO SONQOYKIPI KAWSAKUPTIN QA WIÑAY KAWSAYNIYOQÑAM KANKI

“Diosmi qowarqanchik wiñay kawsayta, chayqa tarikun Churin Jesucristollapim. Pipapas sonqonpi Diospa Churin Jesucristo kawsaptinqa wiñaypaqñam kawsakuchkan.”

–1 Juan 5:11b, 12a

“... pipas nisqaykunata uyariqqa hinaspa kachamuwaqniypi iñiqqa wiñay kawsayniyoqñam kachkan...” –Juan 5:24

Wañuyña chayamusuptikipas, qamqa Diospa qayllanpim kanki (2 Corintios 5:8). **“Chayraykum suyachkankichik wiñaypaq kawsakuyta”** (Colosenses 1:27b).

Sichu tukuy sonqoykiwan iñinki huchaykikuna pampachasqaña kasqanta hinaspa kunanpuni chaskikunki Jesucristota salvakuqniki-ta hina, chayna kaptinqa qellqaykuy sutikitawan imam kunan punchaw kasqanta qatiqnin rayapi:

IMAYNAM JESUS QATINAMANTA

31



Sapa punchaw leey Diospa Si-min Chuya Qellqata, hinaspa umaman churaspa sonqoykipi hata-lliy, anchatam yanapasunki. Chuya qellqam nin:

“Bibliapi llapallan qellqasqa kaqkunaqa Diospa Espiritunpa qosqanmi, allinmi yachachiwananchikpaq, faltanchikkuna qawachiwananchikpaq, pantaypi puriptinchikpas allin ñanman kutirichiwananchikpaq hinaspa imaynam allin kawsakuy yachachiwananchikpaq.”

–2 Timoteus 3:16

32 ORAKUSPAYKI TUKUY TIEMPO RIMAY TAYTANCHIK JESUCRISTOWAN



Paymanya graciasta qoy kawsakuyniki tukuy allinkuna chaskisqaykimanta. Yupaychay qam rayku tukuy rurasqanmanta chayantaq almayki salvasqanmanta. Mañakuy imapas pisiqnikita, mañakunaqa Jesucristopa sutinpim.

“Paypa munasqanman hina mañakuptinchikqa uyariwanchikmi.” 1 Juan 5:14b

“Sutiypi mañakuptikichikqa Taytaqa qosunkichikmi.” –Juan 16:23b

Diosta mañakuychik huknikichik huknikichikpaq. (Santiago 5:16)

“Mañapuychiktaq ñakarichisuqnikichikunapaqpas.” –Mateo 5:44b

QATIQNINKUNAMAN JESUSPA YACHACHISQAN ORACION

33

(Jesusmi qatiqninkunaman yachachirqa orakuyta.)

Qamkunaqa kaynatayá mañakuychik:

Hanaq pachapi Taytayku, sutiki yupaychasqa kachun, munaychakusqayki hamuchun. Munasqaykiyá rurasqa kachun kay pachapipas hanaq pachapi hina. Sapa punchaw mikunaykutayá kunan qowayku. Ñoqaykupa huchaykutayá pampachawayku, ñoqaykupas mana allin rurawaqniykuta pampachasqaykuman hina. Amayá kachaykuwaykuchu pruebamanqa, aswanqa librawaykuyá diablomanta. [Qamqa wiñaypaqmi munaychakunki, hatun atiyunikimantam wiña-wiñaypaq alabasqa kanki. Amen.]

–Mateo 6:9-13

Kay oraciontaqa yachakunaykim umallamanta.

34 DIOSPA CHUNKA KAMACHIKUYNINMI YACHACHIWANCHIK IMAYNAM KAWSANANCHIKTA

(Exodo 20)

Qallariq tawa kamachikuykunam yachachiwanchik Diosninchik kuyananchikmanta

1. “Ñoqallam Diosqa kani, amam huk dioskunaqa kapusunkichu.”
2. “Amam taytacha-mamachataqa rurankichu imaman rikchakuqtapas... Amam qonqorakunkichu chaykunapa ñawpaqinpiqa...”
3. “Ñoqapa sutiyaqa amam yanqaqa rimankichu.”
4. “Amam qonqankichu samana punchawqa ñoqapaq sapachasqa kasqanta.”

Qatiqnin soqta kamachikuymi yachachiwanchik 35

runmasinchik kuyaymanta

5. “Tayta-mamaykitam respetanki...”
6. “Amam pitapas wañuchinkichu.”
7. “Amam hukwanqa pierdekunkichu.”
8. “Amam suwakunkichu.”
9. “Amam runamasikipa contranpiqa llullakunata rimankichu.”
10. “Amam munapayankichu runamasikipa... imantapas.”

DIOSPA KAMACHIKUYNINTA KASUKUPTINCHIKQA, PAYMI MAÑAKUSQANCHIKTA QOWASUN

“Payñataqmi tukuy ima mañakusqanchikta qowasunchik, payqa qowasunchik kamachikuyninkunata kasukuspa paypa munasqanta rurasqanchikraykum.” –1 Juan 3:22

36 LLIWMANTA LLALLIQ ISKAY KAMACHIKUYKUNA

Diosta kuyanamanta

1. “Chaymi Jesusñataq nirqa: –Señor Diosnikitam kuyanki tukuy sonqoykiwan, tukuy vidaykiwan hinaspa tukuy yuyaynikiwan... Kaymi punta kaq hatun kamachikuy –nispas.” –Mateo 22:37, 38

Runamasinchik kuyanamanta

2. “Qatiqninñataqmi nin: –Kuyankim runamasikita kikikita hina –nispas.” –Mateo 22:39

Chunkantin kamachikuypa ukunpim tarikun kay iskay kamachikuypas.



KUYAKUYQA IMAMANTAPAS ASWAN HATUNMI 37

Kuyakuymanta rimaq texto

(1 Corintios 13:1-8, 13)

¹Sichu ñoqa rimayman runakunapa chaynataq angelkunapa idioma pipas ichaqa mana kuyakuyniyoc kaspayqa campanapa otaq platillopa waqaynin hinallam kani. ²Sichu willakuyman Diospa revelawasqankunata, reqsiymantaq kunankama manaraq pipapas yachasqankunatawan tukuy rikchayachaykunatapas, kapuwanmantaq iñiyuy orqokunata maymi kasqanmanta suchuchinaypaq, ichaqa maña kuyakuyniyoc kaspayqa manam imapaqpas valenichu. ³Sichu aypuruyman tukuy kapuqniykunata, cuerpoytapas entregaymantaq kañasqa kananpaq, ichaqa mana kuyakuyniyoc kaptiyqa chaykuna rurasqaypas manam valenichu. ⁴Pipas kuyakuyniyoc pacienciakuymi, imapas qokuykuymi, manam envidiosochu, manam alto tukuqchu, manam alabakuqchu, ⁵ma-

38 nam penqaypaq ruraqchu, manam kkillanpaq munaqchu, manam piñakuqchu, nitaqmi cheqnikuqchu. ⁶Manataqmi kusikunchu hukpa huchankunamantapas aswanqa cheqap kaqmantam kusikun. ⁷Tukuytam aguantan, tukuytam creen, tukuytam confianzawan suyan, tukuytam pacienciakun. ⁸Kuyakuyqa wiñaypaqmi, hamunqam tiempo Diospa revelasqankunata manaña willakunapaq, manañam rimankichu mana yachasqanku idiomakunatapas, yachaypas manañataqmi kanqachu.

¹³Kunanqa takyachkan iñiyllam, confianzawan suyayllam hinaspa kuyakuyllam. Kay kimsanmanta aswan allinqa kuyakuyllam.

DIOSQA KUYAKUYMI

Diosqariki kuyakuqlañam chaymi kuyakuypi takyaqqa Diospi takyachkan, Diospas paypitaqmi takyachkan. –1 Juan 4:16b

JESUCRISTOQA MUNAN HUKKUNAMAN 39

PAYMANTA RIMAPAYANAYKITAM



(Wasikipipas, llankasqaykipipas otaq maypi kaspaykipas Jesucristomantam willakunayki.)

Jesuzmi nirqa: “–Wasikiman rispayki aylluikikunaman willamuy llakipayasuspayki Señor Diospa imam rurasqanmanta –nispas.” –Marcos :19b

40 IMAYNATAQ YACHACHWAN PIM CHEQAPTA-PUNI DIOSPA CHURINÑA KASQANTA

“Kuyanakuptikichikqa llapallan runakunam yachanqa discipuloykuna kasqaykichikta.” –Juan 13:35

“Chuya Espirituñataqmi kawsachiwanchik: kuyakuqta kuisqallata, hawkallata, pacienciakuqta, sumaq sonqollata, kuyapayakuqta, cumpliqa, llampu sonqollata hinaspa imapias controlakuqta.” –Galatas 5:22, 23a

TAYTA DIOSPA CHEQAP CHURINQA RUNAMASINTAQA PAMPACHANMI

“–Huchallikusunqnikichik runakunata pampachaptikichikqa qamkunatapas hanaq pachapi kaq Taytaykichikmi pampachasunkichik.” –Mateo 6:14

AYCHAPA RURAYNINKUNA:

41


“Aychapa munasqallanpi kawsaqkunaqa huchapakuyllapim purinku, millakuyapaq kaqkunallatam ruranku, manaña penqakuspam qanrakunku, taytacha-mamachakunallatam adoranku, paykunaqa layqanakuyllapi, cheqinakuyllapi, liryankuyllapi, envidianakuyllapi hinaspa piñanakuyllapim purikunku, kikillan-kupaqmi imatapas munanku, rakinakuyllatam hatarichinku, sapa-sapaqmi huñunakunku, ... tomakuyllapi fies takunallapim purikunku... Chayna mana allin ruraqkunaqa manam yaykunqakuchu Diospa munaychakusqanman.” –Galatas 5:19-21

AMAYA HARKAKUYCHU JESUS SONQOYKITA CHUYANCHAYKUSPA CHUYA ESPIRITUNWAN HUNTAYKUSUNAYKITA

“Chaynamá karqankichik qamkunapas, ichaqa Diosmi mayllaykusurqankichik, kikillanpaqñam sapaqchasurqankichik, Señor Jesuspa sutinpi hinaspa Diosninchikpa Espiritunpa yanapakuyninwanmi...” –1 Corintios 6:11

42 INFIERNOQA KANPUNIM

(leey Lucas 16:19-26.)



Ama iskayrayaspa iñiy Jesucristopi, paymi sutikita qellqanqa kawsaqkunapa libronpi.

“Chay qochamanmi wischusqa karqaku wiñay kawsay libropi sutinku mana qellqasqakunapas.” –Apocalipsis 20:15

JESUSLLAM DIOS TAYTAMAN RIQ ÑANQA 43


“Diosmi qowarqanchik wiñay kawsayta, chayqa tarikun Churin Jesucristollapim.” –1 Juan 5:11b

“Huchallikuypa pagonqa wañuyumi. Diospa qowasqanchikmi ichaqa Señorninchik Cristo Jesuswan kuska wiñaypaq kawsakuy.” –Romanos 6:23

“Churipi iñiqqa wiñay kawsayniyoqmi, paypi mana iñiqmi ichaqa mana wiñay kawsayniyoqchu, mana iñiqpaqqa Diospa sinchi piñakuyninmi kachkan.” –Juan 3:36

“Jesusñataqmi nirqa: –Ñoqam kani ñan, cheqap kaqpas chaynataq kawsay qokuqpas. Taytaymanqa manam pipas chayanmanchu mana ñoqawanqa.” –Juan 14:6

44 HANAQ PACHAQA KANPUNIM



Apostol Juanmi willawanchik Apocalipsis libropi mosoq cielotawan mosoq allpa rikusqanmanta. “Diosmi pichanqa paykunapa weqenta, manañam kanqachu wañuyapas, lutokuyapas, waqaypas nitaq nanaypas. Ñawpaq kaqkunaqa pasarunñam... Ñoqam mosoqyachini tukuy imata...”

–Apocalipsis 21:4, 5b

Chaynallataqmi willawanchik mosoq chuya Jerusalem llaqtata rikusqanmanta, Diospa qayllanmanta lloqsimuspan kay pachaman uraykamuqta. “Muyuriqñin perqakunaqa kasqa jaspe alhaja rumiwan perqasqam, llaqtañataqmi kasqa qori puromanta cristalman rikchakuq. Chay llaqtaqa perqanpa cimientonkunaqa kasqa tukuy rikchaq suma-suma alhaja rumikunawan adornasqam...” –Apocalipsis 21:18, 19a

JESUCRISTOQA HANAQ PACHATAM RIN 45 PAYPI IÑIQKUNAPAQ WASI RURAQ

“... amayá hukmanyaychikchu. Diospiyá confiakuychik, confiakuychiktaqyá ñoqapipas. Taytaypa kasqanpiqa achkam kachkan lugarkuna yachakunapaq, mana chayna kaptinqa manam rimariyllapas-rimariymanchu. Chaynaqa risaqmi qamkunapaq lugar allichamuq. Allicharamuspaymi kutimusaq qamkuna pusanaypaq chaynapi maymi kasqaypi qamkunapas kanaykichikpaq.” –Juan 14:1b-3

KAY ALLIN WILLAKUYTAQA HUKKUNAMANPAS WILLAYÁ

Jesusmi nirqa: “–Tukuy hinastinman rispayá llaqa runakunaman kay allin noticiata willakamuychik” –nispa.

–Marcos 16:15b

Alma ganaq runaqa anchapas yachayniyoqmi.

(Proverbios 11:30b)

46 CHURI-WAWANCHIKPAQ DIOSPA QOWASQANCHIK PROMESAKUNA

“Manapunim dejasqaykichu nitaqmi saqesqaykichu.”
 —Hebreos 13:5b
 “Qamraykum angelninkunata kamachinqa mayta riptikipas waqaychasunaykipaq.”
 —Salmos 91:11
 “Taytayqa llapanmantapas atiyniyoqmi, chaymi mana pipas atinmanchu Taytaya makinmanta qechuytaqa.” —Juan 10:29b
 Yachahimuychikya qamkunaman tukuy ima kamachisqayta kasukunankupaq. Sapa punchawmi ñoqaqa qamkunawan kasaq kay pacha puchukanankama.
 —Mateo 28:20
 “Amanyá manchakuychu ñakarinykimantaqa. . . Ichaqa qaqa hina sayaptikiqa wiñay kawsay premiotam qosqayki.”
 —Apocalipsis 2:10
 “Mañakuwaptikiqa contestasqaykim. Yachachisqaykim mana reqsisqayki hatun kaqkunatawan sasa entiendena kaqkunata.”
 —Jeremias 33:3

JESUSQA HAMUNQAN YAPAMANTA 47

Lliwmi kawsarimunqaku wañuqkunamanta.
 “Huk punchawmi Diospa Churinpa qayasqanta uyarispanku llapallan wañuqkuna kawsarimunqaku. Allin ruraqkunaqa wiñay kawsanankupaqmi . . . mana allin ruraqkunañataqmi kawsarimunqaku castigasqa kanankupaq.”
 —Juan 5:28b, 29

Cristopi iñispa wañuqkunam kawsarimunqaku puntata.



“Hinaptinmi puntata kawsarimunqa Cristopi iñiq wañuqkuna. Chaymantam kay pachapi raq kawsaqkuna paykunawan kuska altoman hoqarisqa kasunchik puykunapa ukunman Señorwan tupananchikpaq, paywanmi wiñaypaq kasunchik.” —1 Tesalonicenses 4:16b, 17
 “Diosta mañakustinyá listolla suyawaychik haykapi kutimunaytapas mana yachasqaykichikrayku.”
 —Marcos 13:33b

48 ¿IMAYNATAQ JESUS HAMUNQA?



“Qawaychik, puykunawanmi hamuchkan payqa. Llapallan runakunam rikunqa.”
 —Apocalipsis 1:7a
 Cuidakuychik Cristo tukuq runakunamanta hinaspa Diosmanta willakuq tukuqkunamanta
 “—Sichum pipas nisunkichik: ‘Qawaychik, kaypim kachkan Cristo’ otaq ‘Wakpim kachkan Cristo’ nispa hinaptinqa, amam paykunata creenkichikchu . . . ‘Purunpim kachkasqa’ nisuptikichikqa amam lloqsinkichikchu qawaq otaq.”
 —Mateo 24:23, 26a
JESUSQA QONQAYLLANTAM HAMUNQA PUYUKUNAPI
 “Hinaptinmi Diosmanta Hamuq Runapa señalniy puyupi rikuriyakunqa chaymi kay pachapi llapa castakuna qaparkachaspa waqanqaku hinaspa rikuwanku puyupi tukuy atiyniywan hinaspa kanchariyiniywan hamuchkaqta.”
 —Mateo 24:30

MICHIQPA SALMON (Salmo 23)

¹Dios Taytalláy, qamllam kanki ñoqallaypa michiqnillayqa, manam imapas pisiwanqañachu. ²Sumaqlaña ikllirimuq pastokunapim ñoqallaytaqa samaykachiwanki. Ñoqataqa pusawanki yakukunapa sumaq hawkalla samanmanraqmi. ³Qamqariki pasaypaqña kallachkaptiypas ñoqallaytaqa kallpanchaykuwankim. Prometellawasqaykiman hinaraqmiki allin ñanninta pusakullawanki.
⁴Tutay-tutay wayqopiña purillaspaypas manañamriki manchakuniñachu. Ñoqawanqa kikikiray kasqaykiraykum manapuniña manchakuniñachu. Qamqariki ñoqallaytam kallpanchawanki varaykiwanpas tawnallaykiwanpas. ⁵Enemigollaykunapa ñawpaqñinpipas mikuykunatam churaykapuwanki. Miski-miskillaña asnaq perfumewanmi umallaymanpas talliykullawanki. Copallaytam qamqariki llimparichkaqta sumaqlataña huntaykachillanki.
⁶Ñoqallaypaq allinkuna rurasqaykiqa sapa punchawmi compañallawachkan. Ñoqallaypaq kuyapayakuynillaykiqa sapa punchawmi compañallawachkan. Tayta Diosqa ñoqallaytam wiña-wiñaypaq wasillanpiña kawsachikuwanqa.

If you are interested in receiving additional studies of God's Word, write to the publisher:

**World Missionary Press, Inc.
 P.O. Box 120
 New Paris, IN 46553-0120 USA**

Pri - Atkaia Dukia Apia

Ayacucho Quechua WGT

